

Broj:01- 31/3-2572/21 SK
Sarajevo, 12.07.2023. godine

Primljeno: 13-07-2023 12:07			
Org. jed.	Broj	Priloga	Vrijednost
01	-02-	1858	123

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BiH
PREDSTAVNIČKI DOM**

n/r

**Ivan Miličević, sekretar Predstavničkog doma Parlamenta Federacije BiH
Grupa zastupnica i zastupnika u Predstavničkom domu Parlamenta FBiH**

Predmet: Odgovor na inicijativu, **dostavlja se-**

Veza: Vaš akt broj: 01-02-1858/23 od 07.07.2023. godine

Poštovani,

U vezi sa inicijativom koju su pokrenuli Grupa zastupnica i zastupnika u Predstavničkom domu Parlamenta Federacije BiH, na 7. vanrednoj sjednici Predstavničkog doma Parlamenta Federacije BiH održane 06.07.2023. godine, koja glasi:

„Inicijativa za finalizaciju Strategije razvoja sistema socijalne i dječije zaštite u FBiH za razdoblje 2023-2030 i dostavljanje Parlamentu FBiH“, dajemo sljedeći odgovor iz okvira nadležnosti Federalnog ministarstva rada i socijalne politike:

U pogledu Inicijative za finaliziranje Strategije razvoja sistema socijalne i dječije zaštite u Federaciji BiH za razdoblje 2023-2030, te njeno dostavljanje Parlamentu Federacije BiH, koju je uputila grupa zastupnica i zastupnika u Predstavničkom domu Parlamenta Federacije BiH, Federalno ministarstvo rada i socijalne politike (u daljem tekstu: Ministarstvo) želi, prije svega, zahvaliti cijenjenim zastupnicima na praćenju rada ovog Ministarstva, te podsjetiti da je Strategija u svom finalnom obliku predstavljena na konferenciji u Neumu održanoj 07. maja ove godine. Od tada do danas Ministarstvo je ispratilo neophodne procedure koje podrazumijevaju i traženje mišljenja od svih relevantnih institucija, te nakon završetka svih neophodnih procesa, Strategiju je, u skladu sa Uredbom o izradi strateških dokumenata u Federaciji Bosne i Hercegovine („Službene novine Federacije BiH“, broj: 74/19), Ministarstvo svojom Obavijesti broj: 05-31/3-2572/21 od 03.07.2023. godine pustilo u javnu raspravu, odnosno proces javnih konsultacija, te obavijestilo zainteresovanu javnost, odnosno organe uprave na svim nivoima vlasti u Bosni i Hercegovini, građane, organizacije civilnog društva, predstavnike akademske zajednice, komore, javne ustanove i druge pravne ili fizičke osobe da će se u razdoblju od 04.07. do 04.08.2023. godine realizovati proces javnih konsultacija o Strategiji razvoja sistema socijalne i dječije zaštite u Federaciji Bosne i Hercegovine za period 2023-2030. godina. U navedenom razdoblju, predmetni

dokument će biti javno dostupan u elektronskom obliku na zvaničnoj web stranici Ministarstva (www.fmrsp.gov.ba) u rubrici "Legislativa - Strateški dokumenti" zajedno s pripadajućim Obrascem za dostavljanje pisanih komentara, primjedbi, prijedloga i sugestija na predloženi dokument u koji će zainteresovana pravna i fizička lica moći unijeti sve ono što smatraju da bi moglo osigurati adekvatno definisanje ključnih strateških ciljeva i prioriteta, te kreiranje mjera za njihovu realizaciju. Štaviše, uvažavajući iskazani interes predstavnika zakonodavne vlasti za njihovim uključivanjem u navedene procese, te cijeneći poželjnim njihov potencijalni doprinos izradi i finaliziranju ovakvih dokumenata, Ministarstvo je svojim aktom broj: 05-31/3-2572/21 od 06.07.2023. godine zastupnicima u Predstavničkom domu i delegatima u Domu naroda Parlamenta Federacije Bosne i Hercegovine uputilo poziv da se, kao predstavnici zakonodavne vlasti u Federaciji Bosne i Hercegovine, uključe u proces javnih konsultacija o Strategiji razvoja sistema socijalne i dječije zaštite u Federaciji Bosne i Hercegovine za period 2023-2030. godina. Imajući u vidu navedeno, Ministarstvo koristi priliku da taj poziv još jednom ponovi uz konstataciju da će navedenu sektorsku strategiju uputiti u proceduru usvajanja čim se za to steknu uslovi, odnosno nakon završetka javne rasprave i analize pristiglih prijedloga za njeno usavršavanje.

S poštovanjem,



Dostavljeno:

- naslovu
- Edita Kalajdžić, sekretar Vlade Federacije BiH
- a/a